



Sarajevo, 25.05.2026. godine

Broj: 06-06-2-692-2/26

Poziv na edukaciju „Mentalna otpornost i komunikacija pod pritiskom“

U savremenom poslovnom okruženju, gdje su pritisak, kratki rokovi, zahtjevni klijenti i intenzivna komunikacija postali svakodnevnicima, sposobnost da ostanemo stabilni, smireni i profesionalni predstavlja jednu od najvažnijih kompetencija uspješnih pojedinaca i timova.

Vanjskotrgovinska/Spoljnotrgovinska komora Bosne i Hercegovine organizira edukaciju „Mentalna otpornost i komunikacija pod pritiskom“, koja će se održati 15.06.2026. godine u prostorijama Vanjskotrgovinske/Spoljnotrgovinske komore BiH, ulica Branislava Đurđeva 10, Sarajevo.

Edukacija je osmišljena kao praktičan i interaktivan program namijenjen menadžerima, zaposlenima, voditeljima timova, prodajnim profesionalcima, kao i svima koji svakodnevno rade u dinamičnom poslovnom okruženju i žele unaprijediti način na koji komuniciraju, donose odluke i upravljaju stresnim situacijama.

Kroz konkretne poslovne scenarije, praktične vježbe i simulacije, učesnici će razvijati vještine koje direktno doprinose boljoj saradnji, sigurnijem nastupu i efikasnijem djelovanju pod pritiskom.



Predavačica na edukaciji je Marina Bakić. Diplomirani psiholog, NLP Master trener IN, Master Coach i certificirani trener komunikacije i javnog nastupa. Marina je uspješna trenerica sa više od 15 godina iskustva u radu sa pojedincima i grupama i brojnim treninzima iz oblasti komunikacije, upravljanja stresom, javnog nastupa, izgradnje liderskih kapaciteta i unapređenja timova. Osnivačica je NLP Akademije NLP Centar uspjeha i redovna predavačica na Business Academy Sarajevo. Poznata je po kombinovanju psiholoških uvida sa praktičnim alatima koji omogućavaju mjerljiv lični i organizacijski rast.



Kotizacija za učešće na edukaciji iznosi 351,00 KM sa uključenim PDV-om. U cijenu kotizacije je uključeno:

- prisustvo edukaciji u trajanju od šest (6) školskih sati,
- pribor i radni materijali,
- ručak i osvježenje na pauzama,
- potvrda VTK/STK BiH o učešću na edukaciji.

Za članice Vanjskotrgovinske/Spoljnotrgovinske komore BiH omogućen je popust od 20%.

Prijava na edukaciju se vrši popunjavanjem online prijavnog obrasca, klikom na link ispod, najkasnije do četvrtka, 11.06.2026. godine do 16.00 sati.

Link za prijavu:

<https://docs.google.com/forms/d/e/1FAIpQLSe4bNutpj1gSNz2qESqsQWZ7uyDJtIrEA/AIU0C314qzwWxboQ/viewform?usp=publish-editor>

Za sve dodatne informacije možete nam se obratiti upitom na email adresu edukacija@komorabih.ba ili pozivom na brojeve telefona 033/566-204 i 033/566-200.